

8.0 Apakah tindakan yang perlu dibuat oleh pemilik ladang ternakan/orang awam jika pihak berkuasa mengistiharkan sesuatu tempat itu sebagai kawasan wabak di bawah subseksyen 45(1) dan subseksyen 46(1) Enakmen Haiwan 2015?

Pemilik ladang ternakan/orang awam perlu mematuhi setiap arahan atau perintah yang dikeluarkan oleh pihak berkuasa Jabatan Perkhidmatan Veterinar Sabah seperti;

- (a) Larangan samada secara mutlak atau bersyarat bagi permindahan mana-mana haiwan, unggas, keluaran haiwan, keluaran unggas, karkas, foder, sarap, tinja atau apa-apa benda atau bahan atau jenis tertentu haiwan atau unggas yang dinyatakan ke dalam atau ke luar dari kawasan wabak itu.
- (b) Arahan untuk mengawal pengikatan, pengasingan, pemisahan, pemindahan atau penyembelihan haiwan atau unggas dalam kawasan wabak itu sebagaimana yang disifatkan perlu untuk mengawal dan menyekat dari merebaknya penyakit itu.
- (c) Mendapatkan permit bagi mana-mana haiwan atau unggas yang mahu dipindah masuk atau keluar dari kawasan kawasan wabak.
- (d) Bagi anjing di kawasan dijangkiti rabies, ia wajib dijaga di bawah kawalan yang berkesan dengan -
 - i. tidak membawa anjing keluar daripada kawasan wabak.
 - ii. mengurung anjing itu dalam satu kawasan tertutup yang darinya tidak mungkin untuk anjing itu melepaskan diri.
 - iii. mengikat anjing dengan kukuh, atau
 - iv. mengekang anjing dengan suatu rantai atau tali pintal atau tali kulit yang kuat yang diikat dengan kukuh pada relang leher atau abah-abah yang dipakai oleh anjing itu.

9.0 Apakah penalti bagi kesalahan enggan mematuhi arahan/perintah pihak berkuasa veterinar di bawah Subseksyen 45(1) dan Subseksyen 45(1) Enakmen Haiwan 2015?

Denda tidak melebihi RM25,000.

10.0 Kaedah Penguatkuasaan Enakmen Haiwan 2015?



11.0 Sebarang pertanyaan lanjut sila hubungi:

Jabatan Perkhidmatan Veterinar Sabah
Aras 3, Blok B, Wisma Pertanian Sabah,
Kota Kinabalu, Sabah.
Malaysia.

Tel.: 088-287400 (Ibu Pejabat) Faks: 088-287421
Email: dvs@sabah.gov.my

DVS Beaufort:	087-225612 (Tel)
DVS Kota Kinabalu :	088-251233 (Tel)
DVS Kudat :	088-620202 (Tel)
DVS Keningau:	087-332539 (Tel)
DVS Sandakan:	089-213912 (Tel)
DVS Tawau:	089-713482 (Tel)



ENAKMEN HAIWAN 2015

Enakmen ini mula berkuat kuasa pada 02hb. Januari 2016 yang ditetapkan oleh Menteri Pertanian dan Industri Makanan melalui pemberitahuan dalam Warta No.8 Tahun 2015.

1.0 Berapakah bahagian dan seksyen dalam Enakmen Haiwan 2015?

Enakmen Haiwan 2015 mengandungi 10 bahagian dan 87 seksyen seperti berikut;

Bahagian 1 - Permulaan

Bahagian 2 - Fungsi dan Kuasa

Bahagian 3 - Lesen, Permit dan Perakuan

Bahagian 4 - Pengimportan dan Pengeksportan Haiwan, Unggas, dsb.

Bahagian 5 - Pencegahan dari Merebaknya Penyakit

Bahagian 6 - Stesen Kuarantin dan Pusat Veterinar

Bahagian 7 - Pemuliharaan Ternakan

Bahagian 8 - Penguatkuasaan

Bahagian 9 - Pelbagai

Bahagian 10 - Pemansuhan, Kecualian dan Peralihan

2.0 Apakah tafsiran "haiwan" dan "pemunya" dalam Enakmen Haiwan 2015?

Tafsiran "haiwan" dan "pemunya" mengikut Seksyen 2:-

"haiwan" termasuklah kerbau, lembu, biri-biri, kambing, kuda, babi, anjing, kucing dan segala haiwan berkaki empat yang apa-apa umur dan jantina yang dipelihara dalam kurungan atau di bawah kawalan;

"pemunya" ertinya mana-mana orang yang memiliki mana-mana haiwan, unggas, keluaran haiwan, keluaran unggas, karkas, foder, sarap, tinja atau apa-apa benda atau bahan termasuk mana-mana orang yang pada masa itu bertanggungjawab kepada mana-mana haiwan, unggas, keluaran haiwan, keluaran unggas, karkas, foder, sarap, tinja atau apa-apa benda atau bahan atau mana-mana orang yang pada masa ini menghuni mana-mana premis.

3.0 Apakah fungsi dan kuasa Pengarah dalam Enakmen Haiwan 2015?

Dalam Seksyen 3(1), Pengarah mempunyai fungsi dan kuasa seperti berikut:

- (a) untuk mengawal pengimportan dan pengeksportan haiwan, unggas, keluaran haiwan, keluaran unggas, karkas, tinja atau apa-apa benda atau bahan;
- (b) untuk mengeluarkan lesen, permit atau perakuan;
- (c) untuk mengawal pengimportan, pengeksportan, pemilikan atau pentadbiran biologi veterinar;
- (d) untuk mengawal pemindahan haiwan atau unggas di dalam Negeri;
- (e) untuk mengadakan stesen kuarantin sementara atau kecemasan di tempat-tempat yang sesuai di Sabah;
- (f) untuk mewujudkan dan melaksanakan program-program bagi pencegahan perebakkan, rawatan dan pembasmian penyakit haiwan di dalam Negeri;
- (g) untuk menasihati Menteri mengenai perkara-perkara yang berhubungan dengan pencegahan perebakkan, rawatan dan pembasmian penyakit; dan
- (h) untuk melakukan semua perkara yang sesuai manfaat dan perlu bagi atau bersampingan dengan pelaksanaan fungsi dan kuasa di bawah Enakmen ini.

4.0 Apakah perkara-perkara yang memerlukan lesen, permit dan perakuan dari JPVS mengikut Subseksyen 5(1) Enakmen Haiwan 2015?

Semua urusan individu perseorangan atau syarikat yang terlibat menjalankan aktiviti seperti berikut :

- (a) mengimpor mana-mana haiwan, unggas, produk haiwan, produk unggas, karkas, tinja atau apa-apa benda atau bahan;
- (b) mengeksport mana-mana haiwan, unggas, produk haiwan, produk unggas, karkas, tinja atau apa-apa benda atau bahan;
- (c) memiliki dan menggunakan bahan biologi veterinar;
- (d) mengimpor atau mengeksport bahan biologi veterinar;
- (e) menggunakan mana-mana tempat persendirian atau premis sebagai stesen kuarantin sementara; atau
- (f) mengimpor ke Sabah atau mempunyai dalam miliknya apa-apa serangga hidup yang membawa penyakit atau apa-apa patogen atau virus penyakit yang hidup atau apa-apa kultur bakteria, yang sifatnya memudaratkan atau berbahaya kepada haiwan atau unggas.

5.0 Apakah penalti jika gagal memenuhi keperluan Subseksyen 5(1) Enakmen Haiwan 2015?

Denda tidak melebihi RM50,000 atau dipenjarakan selama tempoh tidak melebihi dua (2) tahun atau kedua-duanya sekali bagi kesalahan tiada lesen import [Subseksyen 15(1)] atau eksport [Subseksyen 23(1)].

Denda tidak melebihi RM20,000 atau dipenjarakan selama tempoh tidak melebihi satu (1) tahun atau kedua-duanya sekali bagi kesalahan tiada lesen untuk memiliki, menggunakan, mengimport/mengeksport bahan biologi veterinar [Subseksyen 37(1) & Subseksyen 38(1)].

6.0 Apakah tindakan yang perlu dibuat oleh pengamal veterinar, pemunya mana-mana ternakan/haiwan kesayangan/ produk haiwan jika mereka mendapati atau semunasabahnya mempercayai bahawa mana-mana ternakan/ haiwan kesayangan/produk haiwan itu dijangkiti penyakit wajib lapor seperti tersenarai dalam Jadual [Subseksyen 40(1)] Enakmen Haiwan 2015?

Mereka wajib melaporkan dengan serta-merta kepada pihak berkuasa veterinar atau ke balai polis yang paling hampir atau kepada ketua kampung untuk tindakan selanjutnya. Disamping itu, mereka perlu memastikan karkas tidak dialihkan tanpa kebenaran daripada pihak berkuasa veterinar atau pegawai dalam menjaga balai polis itu. Karkas atau mana-mana keluaran haiwan, keluaran unggas atau karkas yang sudah tercemar dengan penyakit wajib lapor, hendaklah dilupuskan mengikut apa-apa cara yang diarahkan oleh pihak berkuasa veterinar.

7.0 Apakah penalti bagi kesalahan gagal melaporkan kejadian Penyakit Wajib Lapor di bawah Enakmen Haiwan 2015?

Denda tidak melebihi RM10,000 atau dipenjarakan selama tempoh tidak melebihi 6 bulan atau kedua-duanya.